

**晨步情侣路**

■向昌斌

霞绡初展海天平，椰影参差石径明。
几处渔舟拖网出，谁家鸥鹭背云行。
潮痕漫印沙纹细，风语遥传汽笛清。
廿里长廊车驻久，木棉红到澳门城。

校训自悟

■唐云辉

行事莫将天理错，立身宜与古人争。
睦邻可做村家训，友敬能生万世情。
扶老成风乡韵厚，润童化俗国威鸣。
凿空善德思莲界，勤勉青春赋骏声。

二手飞鹤自行车

■周海英

锈迹斑斑岁月深，双轮犹带旧时尘。
莫嫌筋骨老如铁，曾载那时追梦人。

潮汕采风行吟

■李春全

结伴寻幽入瘴乡，潮风一路拂衣裳。
骑楼巷陌藏侨韵，古馆珍奇纪岁长。
韩孟仰瞻文脉盛，学宫漫步墨痕香。
采风撷得千般趣，裁作新诗满锦囊。

潮州古街行吟

■袁小韵

古街十里韵悠悠，美食琳琅客自留。
牌记先贤承旧史，城环碧水抱新洲。
韩江楼阁涵芳意，广济桥横卧翠流。
入夜华灯参斗近，千年风物醉心头。

潮汕工夫茶

■刘亚莉

陶炉燃蟹眼，碧色试春芽。
举盏倾金珀，垂帘散玉沙。
擎杯酬旧友，岁月入闲茶。
若问其中味，清欢寄海槎。

题潮州龙湖古寨

■梁丽金

龙湖文脉贯霞红，辈出才人气自雄。
早抱丹心酬故郡，功成犹念济民风。
牌坊历雨石纹在，陶埴经年窑火融。
古韵新声承大雅，长流活水润无穷。

郁南黄皮

■罗庭芬

都城珍果地，独厚郁南乡。
初结凝霜色，熟成储蜜香。
串珠垂赤壤，炎夏弄金裳。
贡品承唐制，犹传一脉芳。

啖黄皮

■徐坚平

金珠鲜润溢琼浆，酸涩甘甜任品尝。
自悟浮生多此味，光阴慢咀有余芳。

郁南黄皮颂

■袁文辉

千年古韵育奇珍，双树繁枝万亩春。
坡岭连绵金果缀，酸甜漫溢玉浆醇。
健脾理气传佳话，散瘀除疴惠万民。
巧手勤耕兴百业，岭南风味醉乾坤。

题仙洞外寨村

■阎惠群

翠岭环村隐玉楼，民风醇厚韵长留。
挥毫寄愿传斯寨，富路勤耕又一秋。

咏磨刀山遗址

■阎惠群

古石凿开罔极天，岭南初曙破荒烟。
苔痕深处盘古梦，史笔重书到史前。

参观英红博物馆感怀

■董志恒

旧票斑斑记岁稠，知青篋底锁春秋。
忽看茗雾升腾处，半是茶烟半是愁。

拜访问运良大师

■董志恒

雕坛巨匠隐英红，妙手凝情塑物同。
一席清谈承雅韵，师门忆旧意融融。

英西峰林

■杨玉精

百里峰林列画屏，溪云叠影翠烟轻。
斜阳漫点千峰袖，人在秋光深处行。

洞天仙境

■杨玉精

一窍通天透玉光，石钟凝碧岁华藏。
幽潭不记沧桑改，自引松风话莽苍。

韭招饮谢诗友见访

■郑石

手剪春畦嫩韭鲜，煎成金盒待高贤。
楚肴湘饌陪香列，粤味琼浆佐兴传。
墨裹芳樽倾惬意，风吹春圃兴怀绵。
不辞事冗临蓬荜，诗共春根意永连。

金湾区诗词楹联学会第三次会员大会

■朱水兴

春风借韵古，三月度金湾。
潮涌遥天际，情怀大海间。
凌波征棹稳，掠影信鸥闲。
水动连洙泗，悠悠更复还。

贺金湾区诗词楹联学会第三次会员大会

■苏红梅

千年雅韵古今存，梅伴清芬满字坤。
莫道凡尘无静处，人间处处有诗魂。

迎双节思乡有感

■黄亮文

双节冰轮分外明，云衢万里映潮平。
阡间夜月催愁涌，桁底寒灯促绪生。
矮盏频斟思故里，长风飘絮满珠城。
婵娟虽共椿萱逝，欲寄秋光慰别情。

晒场打油菜籽

■刘玉麟

金葵连株晒暖阳，祖孙挥竹笑声扬。
珍珠跳落如轻舞，一粒辛劳一粒香。

陈俊贵携家眷天山守陵赞

■刘玉麟

举家戍墓伴英贤，独库风霜四十年。
雪岭千寻埋剑戟，星灯一盏守寒烟。
麦恩似岱铭深树，松节如磐铸铁肩。
夜夜心香凝作露，晨昏洒向石碑前。

访会同古村

■刘广大

唐家湾畔古今存，岭表淳风映海门。
八巷纵横通客渡，三街错落接渔村。
百年榕影遮祠老，数代侨踪印月轩。
最爱斜阳秋色里，碉楼斑驳刻苔痕。

咏回报家乡的深商

■刘广大

当年寻梦别乡山，历尽鹏城鬓未斑。
致富常思源水远，功成更念少时艰。
修桥铺路兴庠序，引凤还巢济弱鳏。
四海深商皆赤子，春风又度玉门关。

念奴娇·广东丹霞山印象

■萧世春

丹崖拔地，自鸿蒙开处，铸成奇绝。
赤嶂千寻凝锦色，亿载风霜雕彻。
孤柱凌霄，幽岩蕴秀，暗合阴阳诀。
天开图画，灿然名列星月。

念奴娇·广东丹霞山印象

■萧世春

曾是沧海桑田，神工鬼斧，遗此人间杰。
胜迹千秋承造化，荣列世遗芳牒。
秀水萦回，青峰叠峙，尽入诗家阙。
临风遥望，一襟清兴难歇。

清平乐·阳台畦圃

■赖雄斌

一隅虽小，四季堪盈眺。蜂蝶争春喧未了。
翠蔓疏篱斜绕。凭栏菟碧瓜青，参差坠玉垂英。莫笑书生怀浅，此心元寄畦町。

五一创作自题

■刘海金

欣逢佳节未闲身，仍向砚田甘苦耘。
五万云根寻故土，十千掌脉刻新纹。
文章见报三更烛，光影成篇几度闻。
莫问辛劳何所寄，一襟山海共清芬。

郭亮挂壁公路

■李学任

励志愚公动太行，十三壮士凿天墙。
铁锤敲响千重壁，土炮炸穿百丈廊。
绝境途开惊泰宇，隐村闻达著华章。
天梯今日为观景，世外桃源尽小康。

赞郁南无核黄皮

■袁文辉

千载黄皮韵未休，郁南佳果誉神州。
双株育就万亩绿，百载勤耕一望收。
酸甜沁齿消腴腻，甘冽生津解客愁。
岭南风味传天下，喜看金丸醉眼眸。

石溪公园重阳雅聚

■康心

秋风阵阵彩衣扬，雅聚清溪蝶妒芳。
琴韵悠悠山静默，深情款款鸟停翔。
天晴但赏云裳美，心畅何需菊酒香。
不惧流光催白发，且将欢悦慰沧桑。

南乡子·春雨

■孙光荣

一夜雨声潇。频叩窗玻问寂寥。辗转海棠依旧否？心焦。叶落花残弱嫩苗。
晓探圃畦郊。顿谢甘霖润物豪。吐翠百花层叠媚，妖娆。新绿枝头露细腰。

三灶诗词楹联学会换届感怀两首

■蓝琛

其一

一脉文光接远岑，十年风雨费沉吟。
不因时易移孤抱，只为初衷寄素心。
守得芸窗星斗转，迎来学会惠兰森。
诗途莫道重山阻，自有良朋续雅音。

其二

朴守书田远市尘，霜襟犹自贮芳春。
感时漫赋诗千阙，兴起闲倾酒一巡。
心境常教方寸静，眉间不改本然真。
几番面命承恩重，识浅羞称后学人。

春日游香山湖公园

■余琤

燕子衔泥促暖春，香山湖岸尽行人。
催来凫鸭拨云影，独立菱鸥啄小鳞。
伊蓓花黄争日色，紫荆粉盛点朱唇。
最奇栈道通天海，广宇澄明没垢尘。

七言排律·三八妇女节抒怀

■吕美均（广东）

风和日丽千花放，女节芳菲气象新。
古有娲皇抟土造，今知巾帼建勋频。
融通百族安黎庶，平叛边藩靖逆臣。
代父从军彰孝义，弯弓策马盛缨绅。
临朝吕雉拟遵制，壮丽山河展鼎轮。
穆帅旌旗平寇阵，辽兵收绩慑强邻。
欢欣华夏奇闺秀，逐梦长空驾羽轮。
探秘刘洋登帝阙，遨游王女战穹旻。
摘星揽月酬宏志，破雾穿云若雁宾。
以孝持家承祖德，惟忠报国励终身。
三迁择处循贤母，万里从戎胜父亲。
咏絮文才惊四座，降魔武艺镇殊伦。
奇葩阆苑齐光灿，稚蕊瑶池共翠茵。
俊彦千行争汉楚，英豪百业悦人神。
无声大爱萍踪显，有韵宽仁岁月珍。
纤手巧编文绮梦，柔肩重塑富饶屯。
铭镌青史垂贞魄，永耀丹心映瑞莲。
疫气逆行彰毅勇，边关坚守见忠纯。
皓天探秘星河畔，沧海巡游蛟室滨。
雨润杏坛桃李艳，术精橘井瘴氛泯。
巧思织就云霄绮，妙手裁成锦绣裀。
不让须眉辉玉宇，同分事业转鸿钧。
三从旧制随流水，四自清风荡俗尘。
已把幽芳传海角，还将淑气绕花辰。
今朝共醉蟠桃宴，来日同歌尧舜民。
愿化春泥培乳蓓，长教禹甸耀云津。
蟾宫隐现谪仙子，碧汉讴吟凡界人。
更喜东风传捷报，嫣红姹紫满园春。